

GARBIKETAN, MUGITZEN, EROSKETAK EGITEN... LAGUN DIEZAZUN NORBAIT KONTRATATZEKO LAGUNTZA PERTSONALAREN PRESTAZIO EKONOMIKOA (LPPE)

Garrantzitsua

Adi: hemen Gizarte Zerbitzuei buruzko informazioa baino ez duzu aurkituko.

Hau da, beste baliabide batzuei buruzko informazioa bilatzen baduzu, hala nola Diru-sarrerak Bermatzeko Errentari (DSBE) buruzkoa, familientzako kontziliazio-laguntzei buruzkoa, adingabeak eskolatzeari buruzkoa edo osasun-zerbitzuetarako sarbideari buruzkoa, Hezkuntza, Familia eta Haurtzaroa, Osakidetza edo Lanbideren atarietara jo behar duzu informazioa jasotzeko.

Webgune honetan jasotzen diren prestazioez gain, udal bakoitzak eta aldundi bakoitzak beste zerbitzu eta prestazio batzuk izan ditzakete Gizarte Zerbitzuen arloan.

Desgaitasuna duen 18+ pertsona > Laguntza ekonomikoak zuretzat edo zure zaintzaileentzat

Fitxa laburtua kontsultatzen ari zara. [Hemen informazio osoa.](#)

Norentzat

Mendekotasun-egoeran dauden pertsonak (I., II. edo III. graduak).

Zenbatekoa

Aldakorra, baldintza pertsonalen arabera. **12 ordainsari** urtean.

Baldintzak

Mendekotasuna egiaztatzea.

Erroldatzea.

Laguntzak eskatzea eta horiek zehazteko gaitasuna izatea.

Zertan datza?

Laguntza pertsonalerako pertsona bat kontratatzeko aldizkako laguntza ekonomikoa ([3.1.1 fitxa](#)). Pertsona horrek mendekotasuna duten pertsonen erraztuko die hezkuntzarako eta/edo lanerako sarbidea, gizartean parte hartzea eta autonomia handiagoa izatea eguneroko bizitzako oinarriko jarduerak egiteko.

Norentzat?

3 urte edo gehiagoko **mendekotasuna** duten pertsonak (I., II. edo III. graduak).

Zenbatekoa da?

Urtean 12 ordainsari ordaintzen dira, eta pertsona bakoitzarentzat kalkulatzen da jasotzen den zenbatekoa, honako hauek kontuan hartuta: mendekotasun maila, mendekotasuna duen pertsonaren egoera ekonomikoa, beste zerbitzu batzuk erabiltzea, antzeko laguntzak kobratzea edo kontratazioaren kostua.

Bateragarria al da beste laguntza batzuekin?

LPPE **ez da bateragarria** SAAD Autonomiaren Aldeko eta Mendekotasunari Arreta Eskaintzeko Sistemaren beste laguntza ekonomiko batzuekin (Zerbitzuari Lotutako Prestazio Ekonomikoa izan ezik, egoitza bat ordaintzeko ez denean). LPPE mendekotasunaren arretarako zerbitzu guztiekin **bateragarria da**, egoitza-zentroetako edo ostatu-zerbitzuetako egonaldi iraunkorrekin izan ezik. Egoitza-zerbitzu batean bi hilabete baino gehiagoko aldi baterako egonaldia egiten denean, laguntza aldi baterako etenda geratuko da egonaldia amaitu arte.

Zer baldintza bete behar ditut eskatzeko?

Mendekotasuna duen pertsonaren aldetik:

Mendekotasuna duen pertsona gisa baloratua izatea, edozein gradutan.

Prestazioa zein Lurralde historikotako Foru-aldundiari eskatzen zaion, hango udalerriren batean erroldatuta egotea.

Espainiako nazionalitatea edo legezko egoitza izatea (adingabeak izan ezik).

Zer zerbitzu behar dituen erabakitzeko eta laguntzaile pertsonalari nola eman behar zaizkion azaltzeko gaitasuna izatea (adingabeen eta/edo gaitasun intelektualik ez dutenen kasuan izan ezik).

Hezkuntza- edo lan-jardueretarako edo eguneroko jardueretarako laguntzak behar izatea.

Laguntzaile pertsonalaren aldetik:

Adinez nagusia izatea.

Laguntza pertsonaleko zerbitzuak emateko behar den kualifikazioa egiaztatzea.

Bere zerbitzuak baimendutako enpresa batekin kontratu bidez ematea, edo zuzenean lan-kontratu bidez, mendekotasuna duten pertsonari arreta emateko zerbitzua emateko.

Estatuan legezko egoitza izatea.

Non eska dezaket prestazioa?

Zure auzo, udalerrri edo eskualdeko **Oinarrizko Gizarte Zerbitzuetan**.

Informazio gehiago:

- [Laguntza pertsonalerako prestazio ekonomikoa Araban](#)
- [Laguntza pertsonalerako prestazio ekonomikoa Bizkaian](#)
- [Laguntza pertsonalerako prestazio ekonomikoa Gipuzkoan](#)

[Kontsultatu informazio osoa](#)